



# Халқ сўзи

Ўзбекистон — келажаги буюк давлат


1991 йил 1 январдан чиқа бошлаган • WWW.XS.UZ • E-mail: info@xs.uz • 2019 йил 12 апрель, № 73 (7303) Жума

Сайтга ўтиш учун QR-кодни телефонингиз орқали сканер қилинг.



## ЎЗБЕКИСТОН ПРЕЗИДЕНТИ БИРЛАШГАН АРАБ АМИРЛИКЛАРИ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 11 апрель куни Бирлашган Араб Амирликларининг ҳукумат ва келажақ ишлари бўйича вазири Муҳаммад бин Абдуллоҳ ал-Қарқовий бошчилигидаги делегацияни қабул қилди.



Давлатимиз раҳбари мамлакатимизда бўлиб турган нуфузли делегацияни самимий кутиб келган, Ўзбекистон ва БАА ўртасидаги кўп қиррали муносабатлар изчил ривожланиб бораётганига юксак баҳо берди. Жорий йил март ойида Абу-Дабий ва Дубай шаҳарларида бўлиб ўтган олий даражадаги самарали учрашувлар мамлакатларимиз ўртасидаги шерикликни мустаҳкамлаш ва амалий ҳамкорликни кенгайтиришда янги босқични бошлаб бергани қайд этилди. Ташриф якунида муҳим келишувларга эришилди, жумладан, иқтисодийнинг турли тармоқларида умумий қиймати 10 миллиард доллардан зиёд истиқболли инвестиция лойиҳаларини амалга ошириш бўйича икки томонлама салмоқли ҳужжатлар тўплами имзоланди. Уларни тўлиқ амалга ошириш мақсадида мамлакатимизда тегишли «Йўл харитаси» қабул қилинди. Қабул давомида давлат ташкилотлари, илмий марказлар, етакчи компания ва корхоналар, банк-молия институтлари даражасида фаол мулоқот ва алмашувларни давом эттириш муҳимлиги таъкидланди. Бирлашган Араб Амирликларининг давлат бошқаруви ва инновацион ривожланиш соҳасидаги

илгор тажрибасини жорий этишда ўзаро ҳамкорлик масалаларига алоҳида эътибор қаратилди. Мамлакатларимиз экспертлари ҳамкорлигида устувор йўналишларда ўзаро алоқаларни йўлга қўйиш бўйича аниқ тақлифлар тайёрлаш юзасидан келишувга эришилди. Вазири самимий қабул учун давлатимиз раҳбари Шавкат Мирзиёевга миннатдорлик билдирди ҳамда БАА Президенти Шайх Халифа бин Зоид Ол Наҳаён, Абу-Дабий Амирлиги валиаҳди, БАА Қўроли Кўчалари Олий бош қўмондони ўринбосари Шайх Муҳаммад бин Зоид Ол Наҳаён ва БАА Вице-президенти, Бош вазири, Дубай амирлиги ҳокими Шайх Муҳаммад бин Рошид Ол Мактумнинг саломини ва эзгу тилаklarини етказди. Муҳаммад ал-Қарқовий Ўзбекистонда давлат ва жамият қурилиши соҳасида амалга оширилаётган кенг қўламли янгиликлар, иқтисодий-иқтисодий ислохотларни юксак баҳолаб, Бирлашган Араб Амирликлари раҳбариятининг мамлакатларимиз ўртасидаги дўстлик ва шериклик муносабатларини изчил ривожлантириш борасидаги интилиши қатъий эканини таъкидлади.

Ў.А.

## ШАВКАТ МИРЗИЁЕВ АҚШНИНГ АФҒОНИСТОНДАГИ ЯРАШИШ МАСАЛАЛАРИ БЎЙИЧА МАХСУС ВАКИЛИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 11 апрель куни мамлакатимизда амалий ташриф билан бўлиб турган Америка Қўшма Штатларининг Афғонистондаги ярашиш масалалари бўйича махсус вакили Залмай Ҳалилзодни қабул қилди.



Давлатимиз раҳбари меҳмонни самимий кутиб келган, очик мулоқот ва ўзаро ишончга асосланган кўп қиррали Ўзбекистон — АҚШ ҳамкорлиги жадал ривожланаётганини алоҳида қайд этди. Турли даражадаги фаол мулоқот, конструктив сиёсий ҳамкорлик, парламентлараро изчил алоқалар, янги қўшама савдо ва инвестиция лойиҳалари, кенгайиб бораётган гуманитар алмашув — буларнинг барчаси Ўзбекистон ва АҚШ стратегик шериклигида янги давр бошланганидан далolat беради. Учрашувда мамлакатларимиз ўртасидаги муносабатларни янада кенгайтиришга доир, шунингдек, халқаро ва минтақавий аҳамиятга молик долзарб масалалар кўриб чиқилди. Афғонистондаги вазиятни ҳал этишда мамлакатларимиз ҳамкорлигининг ҳолати ва истиқболларига баҳо берилди. Президентимиз Шавкат Мирзиёевга Афғонистон билан аънанавий яхши қўшничилик муносабатларини ривожлантиришга муҳим аҳамият қаратаётгани, ушбу мамлакатда барқарорлик ўрнатилиши ва иқтисодиёт

қайта тикланишига амалий ҳисса қўйиш тарафдори эканини таъкидлади. Афғонистонда тинч сиёсий жараёни бошлашда афғон халқининг бош ролини назарда тутган ҳолда, халқаро ҳамжамият саъй-ҳаракатларини самарали мувофиқлаштириш зарурлиги қайд этилди. Залмай Ҳалилзод самимий қабул учун Президентимиз Шавкат Мирзиёевга миннатдорлик билдирди ҳамда Америка Қўшма Штатлари Президенти Дональд Трамп ва Давлат котиби Майкл Помпеонинг саломини етказди. Махсус вакил мамлакатимизнинг Афғонистон халқига ҳар томонлама, жумладан, муҳим ижтимоий ва инфратузилмавий лойиҳаларни амалга ошириш орқали ёрдам беришга қаратилган сиёсатини юксак баҳолади. АҚШ Ўзбекистоннинг Афғонистонда тинчлик музокаралига қўмақлашиш борасидаги конструктив саъй-ҳаракатларини, хусусан, Афғонистон ҳукумати вакиллари иштирокидаги мулоқотнинг навбатдаги

даврасини Самарқанд шаҳрида ўтказиш тўғрисидаги ташаббусини қўллаб-қувватлаш таъкидланди. Бундан ташқари, жорий йилда Тошкент шаҳрида Афғонистон бўйича саккизинчи Минтақавий Иқтисодий ҳамкорлик конференцияси (RECCA VIII) вазирлар учрашувининг ўтказилиши қўшни давлатларга Афғонистоннинг тинч ривожланишига қўмақлашиш борасидаги ўзаро ҳамкорлик бўйича стратегияни ишлаб чиқиш имконини беради. Учрашув якунида томонлар Ўзбекистон билан АҚШ ўртасидаги стратегик шериклик муносабатларини янада мустаҳкамлаш, минтақадда тинчлик, барқарорлик ва изчил тараққиётни таъминлаш мақсадида Афғонистондаги вазиятни ҳал этиш масалаларида ўзаро ҳамкорликни кенгайтиришга тайёр эканини қайд этдилар.

Ў.А.

Ўзбекистон Республикаси Президенти Матбуот хизмати суратлари.

## ҚОЗОҒИСТОН ПРЕЗИДЕНТИНИНГ ЎЗБЕКИСТОНГА ДАВЛАТ ТАШРИФИГА ДОИР

Ўзбекистон Республикаси Президенти Шавкат Мирзиёевнинг тақлифига биноан Қозоғистон Республикаси Президенти Қосим-Жомарт Тоқаев 2019 йил 14 апрель куни икки кунлик давлат ташрифи билан мамлакатимизга келди.

Давлат раҳбарлари Қосим-Жомарт Тоқаевнинг Қозоғистон Президенти лавозимига киришганидан сўнг илк бор учрашдилар. Тор ва кенгайтирилган таркибда ўтказилиши режалаштирилган музокараларда икки томонлама дўстлик, яхши қўшничилик ва стратегик шериклик муносабатларини янада кенгайтириш истиқболлари муҳокама қилинади, сиёсат, савдо-иқтисодиёт, инвестициялар, транспорт-коммуникация, маданий-гуманитар ва бошқа соҳаларда ўзаро ҳамкорликнинг устувор йўналишлари кўриб чиқилади. Президентлар минтақавий ҳамкорликни мустаҳкамлаш ҳамда халқаро аҳамиятга молик муҳим масалалар юзасидан фикр алмашди. Давлат раҳбарларининг Қўшама баёноти қабул қилиниши, шунингдек, мамлакатларимиз ўртасидаги кўп қиррали муносабатларни ривожлантиришга қаратилган икки томонлама ҳужжатлар тўплами имзоланиши қўлда тутилган. Президентлар қўшни қардош мамлакатда муваффақиятли якунига етган Ўзбекистон йилининг мантқий давоми бўлидиган «Ўзбекистонда Қозоғистон йили»нинг расмий очилиш маросимида ҳам иштирок этдилар. Мазкур йил тадбирлари Қозоғистонда санъат усталарининг концерти билан бошланади.

Ў.А.

## «ОЛТИН ОДАМ» НАМОЙИШГА ҚЎЙИЛДИ

«Ўзбекистонда Қозоғистон йили»нинг тантанали очилишига бағишланган «Буюк дашт: тарих ва маданият» номли кўргазма очилди.

Ўзбекистон Республикаси Маданият вазирлиги, Қозоғистон Республикаси Маданият ва спорт ишлари вазирлиги, Ўзбекистон давлат санъат музейи, Қозоғистон Республикаси Миллий музейи ҳамкорлигида ўтказилаётган мазкур кўргазмада икки қўшни давлат вакиллари, олимлар иштирок этди. Кўргазманинг асосий мақсади санъат ва маданият илҳомландирини Қозоғистоннинг бой тарихи ва маданий мероси билан таништиришдан иборат. Унда Қозоғистон Республикаси рамизи ҳисобланган «Олтин одам» намойишига қўйилди. 1960 йилларнинг охири 1970 йилларнинг бошида Олмаота шаҳри атрофида олиб борилган, Иссык-Кульда тадқиқот олиб бораётган Кемал Акиевнинг «Олтин одам» қолдиқлари топилди. Бу топилма, ўз навбатида, Қозоғистон рамизига айланди. Нобэ топилма «Қозоқ Тўтанхамони» деб атала боладиган ҳамда асрнинг йирик кашфиёти, деб тан олинди.

➡ 3

Муҳаммад бин Абдуллоҳ ал-ҚАРҚОВИЙ:

## «ЎЗБЕКИСТОН ИСЛОМ ОЛАМИГА КЎП НАРСАЛАРНИ ТАҚДИМ ҚИЛГАН»

Ўзбекистон Республикаси Президенти Шавкат Мирзиёев 11 апрель куни Бирлашган Араб Амирликларининг ҳукумат ва келажақ ишлари бўйича вазири Муҳаммад бин Абдуллоҳ ал-Қарқовий бошчилигидаги делегацияни қабул қилди.

Муҳаммад бин Абдуллоҳ ал-ҚАРҚОВИЙ учрашувдан сўнг Ў.А. мухбирига интервью берди: — Аввало, вақт ажратиб, бизни қабул қилгани учун Ўзбекистон Республикаси Президенти Шавкат Мирзиёевга самимий миннатдорлик билдирамиз. Бугунги учрашув жуда самарали бўлди. Ўзбекистон ислом олами, дунё илм-фани ривожига кўп нарсаларни тақдим қилган. Жаноб Президент Ўзбекистон келажаги учун катта ишларни амалга ошириятти. Унда икки ярим йилда мамлакатимизда бўлаётган бунёдкорлик ва ўзгаришлардан оммавий ахборот воситалари орқали хабардоримиз. Президент Шавкат Мирзиёевнинг якунида БААга амалга оширган ташриф мамлакатларимиз муносабатларида тарихий саҳифа очди. Ўзаро ҳам-

корлик ва халқларимиз ўртасидаги дўстлик янада мустаҳкамланганидан манфаатдоримиз. 10-11 апрель кунлари Ўзбекистон Республикаси ва Бирлашган Араб Амирликлари ҳукуматлари делегациялари ўртасида йиғилиш бўлиб ўтди. Унда турли соҳаларда ҳамкорликни янада ривожлантириш бўйича фикр алмашиб олдик. Асосий мақсадимиз — ҳукуматлараро алоқаларни янада ривожлантириш, Бирлашган Араб Амирликларининг давлат бошқаруви тизимида эришган ютуқларини Ўзбекистонда таъбиқ этишга қўмақлашиш ниятидामиз.

Ў.А. мухбири З. ЖОНБЕКОВ ёзиб олди.

Залмай ҲАЛИЛЗОД:

## «АФҒОНИСТОНДА БАРҚАРОРЛИКНИ ТАЪМИНЛАШ БУТУН ЖАҲОН ҲАМЖАМИЯТИ УЧУН МУҲИМ»

АҚШнинг Афғонистондаги ярашиш масалалари бўйича махсус вакили Залмай Ҳалилзод Афғонистонда тинчлик ўрнатишга оид долзарб жараёнлар хусусида қуйидагиларни сўзлаб берди:

— Аввало, Ўзбекистонга яна келганим ва Президент Шавкат Мирзиёев билан Афғонистонда барқарорликни таъминлаш масалалари юзасидан музокара ўтказганимдан гўяг мамнунман. Бугунги кунда Афғонистонда тинчлик ўрнатиш борасида сезиларли ишлар амалга оширилмоқда. Жумладан, ушбу мамлакатни тиклаш бўйича ҳукуматлараро ва Толибонлар вакиллари билан бир қатор учрашувлар ўтказилди. Ушбу мулоқотларда Афғонистон бундан буён АҚШ ва бошқа давлатларга таъбиқ соладиган халқаро терроризмга замин бўлишига йўл қўймайлик борасида самарали мулоқотлар олиб борилди. Энг асосийси, музокаралар афғонларнинг ўзи иштирокида ўтказилмоқда.

Апрель ойида Доҳада ўтказилган учрашув ҳам Афғонистонда тинчликка эришишда навбатдаги муҳим қадам бўлади. Ушбу юртда тинч сиёсий жараёни бошлашда Афғонистон ҳукумати ва Толибонлар билан бирга янги Афғонистон вакиллари деб аталаётган ёшлар ва хотин-қизлар ҳам иштирок этади. Ўзбекистон қўшни мамлакатда тинчлик ўрнатиш масаласида фаол ташаббусларни илгари сурмоқда. Жумладан, Доҳа учрашувида сўнг Самарқандда ўтказилган мулоқотлар навбатдаги музокара шундан далolatлардир. Биз Президент билан афғон диёрида вазиятни барқарорлаштириш ва иқтисодиётни қайта тиклашда халқаро ҳамжамият саъй-ҳаракатларини

самарали мувофиқлаштириш масалалари бўйича ҳам фикр алмашдик. Афғонистонда барқарорликни таъминлаш нафақат минтақа, балки бутун жаҳон ҳамжамияти учун жуда муҳим. Чунки уруш ҳаракатларининг тўхтатилиши халқаро терроризм ва экстремизмнинг олдини олишга, Афғон диёрининг бошқа мамлакатлар учун ўз эшикларини очишига замин яратди. Бу, ўз навбатида, минтақавий ҳамкорликни ривожлантириш, Марказий Осиёни Жанубий Осиё мамлакатларига интеграциялаштиришда янги имкониятлар очди.

Ў.А. мухбири М. ЭЛМУРОВОВ ёзиб олди.

## Ўзбекистон Республикаси Президентининг ФАРМОНИ

### 2019 – 2021 йилларда республиканинг фармацевтика тармоғини янада жадал ривожлантириш чора-тадбирлари тўғрисида

Кейинги йилларда республикада аҳолини дори воситалари, тиббиёт буюмлари ва тиббий техника (кейинги ўринларда — фармацевтика маҳсулотлари) билан таъминлаш тизимини такомиллаштириш бўйича комплекс чора-тадбирлар амалга оширилди, маҳаллий фармацевтика тармоғини ривожлантириш учун қўлай шарт-шароитлар яратилди. Шу билан бирга, ишлаб чиқариш қувватлари етарли даражада эмаслиги ҳамда маҳаллий фармацевтика маҳсулотларининг тор ассортименти ички бозор эҳтиёжларини қондирмайпти ва импортта ҳаддан ташқари боғланиб қолишга сабаб бўлмоқда. Маҳаллий корхоналарда халқаро стандартларни таъбиқ этиш бўйича ишларнинг сўст ташкиллаштирилиши ташқи бозорларда рақобатбардор фармацевтика маҳсулотларини ишлаб чиқариш имкониятларини ва тармоқнинг экспорт салоҳиятини чекламоқда. Фармацевтика тармоғини жадал ривожлантириш, хорижий инвестицияларни ҳамда етакчи хорижий компанияларни инвестиция лойиҳаларини амалга оширишга жалб қилиш, инновацион фармацевтика маҳсулотларини яратиш

рағбатлантириш, маҳаллий ишлаб чиқарувчиларнинг ишлаб чиқариш ҳажмлари ва экспорт салоҳиятини кенгайтириш мақсадида: 1. Ўзбекистон Республикаси Соғлиқни сақлаш вазирлиги, Иқтисодиёт ва саноат вазирлигининг; 2. Ўзбекистон Республикаси Соғлиқни сақлаш вазирлиги тузилмасига Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлантириш агентлигининг «Ozmedimpex» давлат унитар корхонасини ўтказиш; 3. Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлантириш агентлигини (кейинги ўринларда — Агентлик) Соғлиқни сақлаш вазирлигининг дори воситалари ва тиббиёт буюмларини ишлаб чиқариш, тайёрлаш ва уларнинг улгурчи савдоси устидан назоратни амалга ошириш, шунингдек, фармацевтика фаолиятини лицензиялаш бўйича функцияларини бериш тўғрисидаги тақлифларига розилик берилсин.

(Давоми 2-бетда).

Германия жамоатчилиги:

## «Ўзбекистонда исломшўносликка кенг йўл очилгани ва давлатингиз томонидан бу йўналишда марказлар ташкил этилишини юксак баҳолаймиз»

Ўзбекистон билан Германияни 5000 километрлик масофа ажратиб турган бўлса-да, икки халқнинг тинч ва фаровон ҳаётга интилиши, тараққиётга хизмат қиладиган муштарак гоёлари, меҳнаткаш ва олижаноб инсонлари ҳар қанча олис масофаларни яқин қилишга, бир қарашда мураккабдек туолган вазифаларни ҳал этишга қодир. Зеро, Ўзбекистон Республикаси Президентининг жорий йил январь ойида Германияга амалга оширган расмий ташрифи икки мамлакат ўртасидаги ишончли алоқаларни янада мустаҳкамлаб, уларни янги босқичга олиб чиқди.

### Биз ва жаҳон

Айни пайтда Ўзбекистондаги Ислам цивилизацияси маркази ва Имом Бухорий номидаги халқаро илмий-тадқиқот марказининг исломшўнос, шарқшўно олимларидан иборат делегация Германия пойтахти Берлин шаҳрида қўшама кўнанинг нуфузли университетлари, илмий марказлари, музей ва кўлема фондларида учрашув ҳамда мулоқотлар ўтказмоқда.

➡ 2



# Кластерларнинг афзаллиги ва истиқболлини кўра олишнинг аҳамияти катта

Давлат саноат маҳсулотлари, айниқса, тайёр маҳсулот экспортдан манфаатдор. Чунки бу орқали иқтисодий жадал ривожланиб, аҳоли фаровонлигини ошириш учун янада кенг имкониятлар юзга келади. Шу боис соҳада кластер тизимига ўтилмоқда.

## Депутат фикри

Кластер, бу — бир мажмуа доирасида бир жамоа бўлиб ерларни шудгорлаш, чигит экиш, пахтани парвариш, ҳосилни йиғиб-териб олиш, хом ашёни чуқур қайта ишлаш билан боғлиқ корхоналарни ягона мақсад сари бирлаштириш, ишлаб чиқаришнинг янги усулидир. Кластерларда хом ашё қайта ишлашнинг барча босқичидан ўтказиб, экспортбоп тайёр маҳсулотга айлантирилади. Саноат соҳасида босқичма-босқич рўйбўй чиқарилаётган ишловлар ўз самарасини бермоқда. Чунки, жорий йилда 74 та пахта-тўқимачилик кластери фаолиятини йўлга қўйилди. Пахта-тўқимачилик кластерлари республиканинг 88 та туманида

жами 657,042 минг гектар майдонда эгаллаб, мамлакатимиз ҳудудида пахта экиладиган умумий ер майдонининг 63,6 фоизи, жумладан, 52 минг гектар ерда хорижий инвестициялар иштирокида пахта етиштириш амалга оширилди. Алоҳида қайд этиш жоизки, жорий йил республика бўйича етиштирилган 2 миллион 958 минг тонна пахта хом ашёсининг қарийб 1 миллион 831 минг тоннаси ёки 62 фоизи кластер корхоналари ҳиссасига тўғри келаятгани эътиборга молик. Албатта, ушбу кластер корхоналари ўзига ажратилган майдонларда ҳудудий шароитдан келиб чиқиб, сув тежайдиган технологияларни

муқтақил равишда татбиқ этиши лозим. Шу сабабли жорий мавсумдан бошлаб, пахта-тўқимачилик ишлаб чиқариши таъминотида ер, сув ва бошқа ресурслардан самарали ҳамда оқилона фойдаланиш, экинлар ҳосилдорлигини ошириш ҳамда етиштирилган пахта хом ашёсини ўз вақтида йиғиб-териб олишга кўмаклашиш орқали уни чуқур қайта ишлаш ва юқори қўшилган қийматга эга маҳсулотлар ишлаб чиқаришни кўпайтириши керак. Бу вазифаларни амалга оширишда, биринчи навбатда, барча даражадаги раҳбарлар ўз фаолиятини танқидий таҳлил қилиши, қатъий тартиб-интизом ва шахсий жавобгарлик асосида ташкил этиши зарур. Яна бир муҳим жиҳат, бугунги кунгача кластер корхоналари фаолиятини ташкил этиш ҳамда унинг ҳуқуқ ва мажбуриятларини белгиловчи, фаолиятини тартибга солувчи норматив-ҳуқуқий ҳужжатлар мавжуд эмас. Ҳозир Адлия вазирлиги ҳамда

бошқа манфаатдор вазирлик ва идоралар биргаликда норматив-ҳуқуқий ҳужжат лойиҳасини тайёрлаш бўйича тегишли ишлар олиб бормоқда. Демак, бугун турли соҳадаги, хусусан, қишлоқ ҳўжалиги ёки соғлиқни сақлашдаги мавжуд муаммоларни қайд этиш эмас, балки уни саноат билан уйғун ҳолда бартараф қилиш чораларини биргаликда ишлаш ва ҳал этиш вақти келди. Кластер тизими афзалликларини тушуниш, уни молиялаштириш механизминини ишлаб чиқиш ва истиқболлини кўра олиш ҳар бир раҳбар учун муҳим. Албатта, бунда турли мулкрий муносабатлар, хусусан, давлат мулкрий объектларини беришни шомашошарлик ёки пала-партиш эмас, балки тизимли ва мақсадли амалга ошириш талаб этилади. Натихада фермерлар фаолиятининг трансформациялашуви кластерлар билан ўзаро истиқболли ҳамкорликка кенг йўл очиб беради.

Масаллага шу нуқтаи назардан ёндашсак, кўмига ташаббус билан кластерлар фаолиятига оид норматив-ҳуқуқий ҳужжатнинг қабул қилиниши натижада қишлоқ ҳўжалигининг саноат билан интеграциялашувига эришилиб, соҳада яққоқимлик ва монополияни тугатишга, ривожланган мамлакатлар тажрибасини қўллаш орқали давлат-хусусий шериклиги асосида хусусий тадбиркорлик субъектлари билан бевосита алоқаларини кенгайтириш, рақобатдош, экспортбоп маҳсулотлар тайёрлаш тизимига ўтилади. Кўмитамиз томонидан жамиятда кластерларнинг фаолиятини ҳуқуқий жиҳатдан йўлга қўйиш учун амалдаги қонунларни такомиллаштириш, янги қонунларни яратиш ва бугунги кун талабига жавоб бермайдиган айрим қонунларни бекор қилиш бўйича тегишли ишлар олиб боришмоқда. Бу, ўз навбатида, кластерлар фаолияти бўйича парламент ва депутатлик назоратини ўрнатиш орқали жамоатчилик назоратини амалда таъминлашга хизмат қилади.

**Азамат ПАРДАЕВ,**  
**Олий Мажлис Қонунчилик палатасининг Саноат, қурилиш ва савдо масалалари кўмитаси раиси ўринбосари.**

# Ҳокимият вакиллик органлари фаолияти такомиллаштирилади

Қонун устуворлиги — ҳуқуқий демократик давлат мақомини белгиловчи асосий жиҳат. Уни таъминлашда ҳокимият вакиллик органларининг аҳамияти беқисс. Бунда уларнинг асосий функцияси — қатъий назоратни қарор қилишнинг кучайтириш бугунги кунда мамлакатимиз ривожини йўлга қўйишнинг асосий вазифа бўлиб турибди. Бироқ қўйи вакиллик органлари — халқ депутатлари вилоят, туман ва шаҳар Кенгаши фаолиятини такомиллаштириш йўналишида сўнгги йилларда бирор-бир жиддий силжи кузатилмади. Президентимизнинг қатор чиқишларида ҳам бунга алоҳида ургу берилгани бежиз эмас.

## Сенатор минбари

Муаммога кўп жиҳатдан маҳаллий Кенгашларнинг назорат функцияси оид ваколатлари ва регламентлари яхлит қонунлар билан аниқ белгилаб берилганлиги сабаб бўлмоқда. Қолаверса, шунингдек, қонун ҳужжатларини мувофиқлаштириш, хусусан, уларни тўлиқ инвентаризация қилиш, ҳокимиятнинг халқ депутатлари Кенгаши раиси сифатидаги мақоми бекор қилиниши юзасидан ижтимоий сўровлар ўтказиш назарда тутилган. Уларнинг натижалари асосида маҳаллий ижро органидан алоҳида равишда раҳбарлик қилувчи раислар номзодини кўрсатиш ва сайлаш тартиби, Кенгашларнинг маҳаллий ижро органидаги маҳаллий ижро органи раиси сифатидаги мақоми бекор қилиниши юзасидан назоратни амалга ошириш бўйича ваколат доирасини кенгайтириш масалаларини кўриб чиқиш ва қонунчилик қўмига тегишли тақлифлар тайёрлаш ҳам режалаштирилган. Шунинг баробарида, "Ҳокимият халқ депутатлари Кенгаши раиси сифатидаги мақоми бекор қилиш муносабати билан Ўзбекистон Республикаси Конституцияси ва айрим қонун ҳужжатларига тегишли ўзгариш ва қўшимчалар киритиш тўғрисида"ги қонун лойиҳасини ишлаб чиқиш ва Олий Мажлис Қонунчилик палатасига киритиш кўзда тутилган. Ил давомида ушбу йўналишда ички ишлар олиб борилиши режалаштирилмоқда. Хусусан, ҳозир Адлия вазирлиги билан ҳамкорликда ушбу йўналишда қонун ҳужжатлари инвентаризацияси ўтказилди. Олий Мажлис Сенати ялепти мутахассислари томонидан маҳаллий давлат ҳокимияти вакиллик органлари фаолияти самарадорлигини таъминлашга хизмат қилади.

Умуман, ушбу йўналишда белгиланган вазифалар ички ишлар олиб борилиши режалаштирилмоқда. Натихада маҳаллий давлат ҳокимияти органлари фаолиятини такомиллаштириш ва пировардида уларнинг ўз ваколатларидан самарали фойдаланишга шарт-шароит яратилади.

Талибжон МАДУМҚАРОВ,  
Олий Мажлис Сенатининг Маҳаллий ҳокимият вакиллик органлари фаолиятини кучайтиришга кўмаклашувчи комиссия раиси.

# «ОЛТИН ОДАМ» НАМОЙИШГА ҚЎЙИЛДИ

"Олтин одам" кўргазмаси бугунги кунда Россия, Хитой, Польша, Беларусь, Озарбайжон, Корея Республикасида намойиш этилган. Бу мамлакатларда бўлиб ўтган кўргазмаларга бир миллиондан ортиқ томошабинлар ташриф буюрган. 2020 йил охиригача кўргазма дунёнинг 20 мамлакатидан намойишга қўйилиши режалаштирилган.

Ўзбекистон давлат санъат музейида бўлиб ўтаётган кўргазма "Олтин одам"ни тилла безаклар билан безатиш кийимида, тилла ўқлар, қор қоплонлари, архарлар, отлар, қушлар кўринишидаги олтин пластиналар билан безатилган қонус шаклидаги бош кийимда кўриш мумкин. Шунингдек, (археологлар фикрича 17-18 ёшларда бўлган) сак жангчида Олтин одам билан бирга дафн қилинган эрта темир даврига (мил. авв. V-IV асрлар) оид археологик топилмалар тўплами ҳам жой олган.

Шунингдек, кўргазмада Таксай (Фарбий Қозғоғистон вилояти), Талди-2 (Қарағанда вилояти) ва Берел (Шарқий Қозғоғистон вилояти) саклар қўрғонидан топилган археологик топилмалар ҳам намойиш этилди. Кўргазмада Қозғоғистон Республикаси Миллий музейи коллекциясида жами 106 та экспонат экспозицияга қўйилган. Намойиш этилаётган нодир экспонатлар бу қадимий ва ўрта асрлар Қозғоғистон санъатининг кичик бир қисмига бўлиб, Евроосий Дашт маданият меросининг ўзига хослигини акс эттиради.

"Ўзбекистонда Қозғоғистон йили"нинг бошланиши муносабати билан матбуот анжумани ҳам бўлиб ўтди. Бу каби тадбирлар икки қардош халқларнинг маданиятини янада ривожлантириш ва тарғиб этишга хизмат қилади.

**Борно МЕЛИҚУЛОВА,**  
**ЎЗА мухбири.**

## Тадбир Солиқ ислохотлари халқ манфаатларини кўзлайди

Олий Мажлис Сенатининг Бюджет ва иқтисодий ислохотлар масалалари кўмитаси томонидан "Давлат бюджетиде солиқлар ва мажбурий тўловларнинг тугган ўрни" мавзусида семинар ўтказилди.

2019 йилги бюджет сиёсатининг устувор йўналишлари Давлат бюджетининг барча даражасида мутаносиблиги таъминлаш ва харажатларнинг ижтимоий йўналтирилганлигини сақлаш ҳисобига унинг рақобатдорлигини оширишга қаратилган. Бу эса, ўз навбатида, бюджетга тушумларнинг асосий манбаи ҳисобланган солиққа тортиш тизимини такомиллаштириш ва содда-лаштириш, соҳа маъмуриятчилигини яхшилаш вазифаларини ҳал этишни тақозо қилади. Президентимизнинг 2018 йил 29 июндаги "Ўзбекистон Республикасининг солиқ сиёсатини такомиллаштириш концепцияси тўғрисида"ги Фармони ва ушбу йўналишда қабул қилинган бошқа ҳужжатлар ҳам бу борада муҳим аҳамият касб этмоқда. Анжуманда Солиқ концепцияси асосида ишлаб чиқил-

**Муносиб КАРИМОВА**  
(«Халқ сўзи».)

# Миллий давлат харидлари тизими ва халқаро тажриба

Пойтахтимизда Европа ва Марказий Осиё минтақаси давлатлари мутахассисларининг харидлар, касбий этика, менежмент ва ошқоралик бўйича XV форуми бўлиб ўтмоқда. Хар йили ушбу минтақалар мамлакатларининг биринчи таътилдаган мазкур анжуман миллий давлат харидлари тизимини ислох қилиш бўйича тажриба алмашиш, ҳамкорликни мустақамлаш имконини беради.

**Форум**  
Галдаги форум Ўзбекистон Республикаси Молия вазирлиги томонидан Жаҳон банки, Европа тиклиши ва тараққиёт банки, Ислон тараққиёт банки, Ислон тараққиёт банки кўмағида Европа инвестиция банки, Осиё тараққиёт банки, Иқтисодий ҳамкорлик ва ривожланиш ташкилоти, Жаҳон савдо таш-

Моллер. — Ташкилотимиз ушбу давлатларга самарали миллий харидлар тизимини яратиш борасида амалий кўмак беришни давом эттиради. Кайд этиш керакики, юрти-мизда ушбу форум илк мартаба 2005 йилда ўтказилган бўлса, ўтган давр мобайнида сезиларли ижтимоий-иқтисодий ўзгаришлар, шу жумладан, давлат харидлари тизимининг шаффофлиги ва самарадорлигини ошириш борасида кенг қўламли ишловлар амалга оширилди. Ўзбекистон ҳуқумати Жаҳон банки, Осиё тараққиёт банки, Европа тиклиши ва тараққиёт банки каби халқаро ташкилотлар ҳамкорлигида

халқаро стандартларга мос қонунчилик асосларини яратмоқда. Тадбирда Албания, Арманистон, Озарбайжон, Беларусь Республикаси, Болгария, Хорватия, Грузия, Қозғоғистон, Қирғизистон, Молдова, Польша, Руминия, Сербия, Туркия, Туркменистон сингари Европа ва Марказий Осиё минтақасининг 20 дан ортиқ мамлакатларидан 100 дан зиёд мутасаддилар, шунингдек, Кувейт, Бразилия, Чили ҳамда бир қатор молия ташкилотларидан вакиллар қатнашмоқда. Форум 13 апрелга қадар давом этади.

**Дилшод УЛУҒМУРОДОВ**  
(«Халқ сўзи».)

## Илмий мероснинг чуқур тадқиқи

Пойтахтимизда Ўзбекистон халқаро ислом академияси таътил этилганлигининг бир йиллиғига бағишланган матбуот анжумани бўлиб ўтди.

**Сарҳисоб**  
— Фаолиятимизда халқаро ҳамкорлик муҳим аҳамиятга эга, — дейди академия ректори Шухрат Евқошев. — Айни пайтда дунёдаги нуфузли молиявий ташкилотлардан бири — Ислон тараққиёт банки, Таълим, фан ва маданият масалалари бўйича ислом ташкилоти — ISESCO ҳамда ЮНЕСКО, JICA, KOICA каби ташкилотлар, Саудия Арабистони, Миср, Туркия, Буюк Британия, Индонезия, Малай-

зия, Япония, Россия, Қозғоғистон каби давлатларнинг олий таълим муассасалари, илмий-тадқиқот марказлари билан алоқалар йўлга қўйилган. Бугунги кунда муассасада ислом дини ва маданияти, халқимиз миллий мероси, қадимий анъаналарини ҳар томонлама ўрганиш, уларга оид мавжуд манбаларни илмий талаблар асосида тадқиқ ва нашр этиш, замонавий диний жараёнларни илмий та-

дил қилиш ишлари олиб боришмоқда. Бу ерда, шунингдек, аждодларимиз томонидан яратилган беназир манъавий намуналар сақланди ва ушбу бебаҳо мерос устида илмий тадқиқотлар олиб борилади. Тадбирда йилгиланган таълим жараёни, талабаларга яратилган шарт-шароитлар билан яқиндан танишилди.

**Дилмурод СОДИҚОВ**  
(«Халқ сўзи».)

## Ибрат Яхшилик унутилмайди

Инсон танг аҳволда қолган пайтда кимдандир яхшилик кўрса, бу нарса унинг юрак-юрағига қоладики, бутун умр эсдан чиқмайди. Музработ тумани нотариуси Карим Қодиров билан танишувимиз ҳам шундай бўлганди.

Ушанда мен институтга кириш учун ҳужжатларини йиғиб турган бир ёш йигит эдим. Нимадир бўлди-ю, ҳужжатларимни қабул қилишмади. Музработга қайтиб бориб, айрим ҳужжатларни нотариал тасдиқлашга тўғри келди. Вақт жуда қисқа эди. Ана шундай вазиятда Карим ака мени ҳар томонлама қўллаб-қувватлаб, ишминини тезгина битириб берди. Уша йили ўқишга кирганман. Ҳозир ёшим олтишдан ошган бўлсада, Карим аканинг шу яхшилиги ҳеч қачон ёдимдан чиқмайди. Ҳуқуқшунослик дипломини олган мутахассис 1975 йилдан бошлаб ҳозирги кунга қадар Музработ тумани давлат нотариал идорасининг нотариуси бўлиб ишлаб келмоқда. У кишининг иш юрти-тиш ҳужжатлари асосида бир неча авлод катта бўлди. Нотариусга кимнинг иши тушса, Карим Қодировнинг бағрикенглиги, ўз ишининг устаси эканлига яна бир бор гувоҳ бўлади.

## РЕКЛАМА ВА ЭЪЛОНЛАР

«Халқ сўзи» газетасининг 2019 йил 10 апрелдаги № 71 (7301)-сонидан чоп этилган «2019/2020 ўқув йилида ўқув қуроллари харид қилиш бўйича тендер эълон қилинади» сарлавҳали эълоннинг 9 лот — шарикли ручка жадвалидаги «681 510» сони «656 526» деб ўқилин.

## Ўзбекистон Республикаси Экология ва атроф-муҳитни муҳофаза қилиш давлат қўмитаси куйидаги объектнинг лойиҳа-смета ҳужжатларини ишлаб чиқиш учун танлов эълон қилади:

«Давлат экология қўмитасининг Тошкент шаҳри, Чилонзор тумани, Бунёдор шоҳқўчаси, 7-«А» уй манзилидаги маъмурий биносини реконструкция қилиш».

**Буюртачи:** Ўзбекистон Республикаси Экология ва атроф-муҳитни муҳофаза қилиш давлат қўмитасининг Бинолардан фойдаланиш ва капитал қурилиш бўйича дирекцияси.  
**Молиялаштириш манбаси:** Ўз маблағлари ҳисобидан.  
**Танлов предмети:** лойиҳа-смета ҳужжатларини ишлаб чиқиш.  
**Лойиҳа ишлари баҳоси:** келишув асосида.  
**Танлов ўтказиш манзили:** Тошкент шаҳри, Чилонзор тумани, Бунёдор шоҳқўчаси, 7-«А» уй.  
**Танлов иштирокчиларига қўйилган талаблар:** танловда Ўзбекистон Республикасида юқоридаги хизматларни кўрсатиши ман этилмаган ва кўрсатилган талабларни бажарадиган мамлакатимиз ҳамда хорижий юридик шахслар қатнашишлари мумкин. Танлов таклифини таъминлаш суммаси ва уни киритиш тартиби танлов ҳужжатлари рўйхатида акс эттирилган.  
**Танловнинг ишчи органи:** Ўзбекистон Республикаси Экология ва атроф-муҳитни муҳофаза қилиш давлат қўмитаси.  
**Мурожаат учун масъул шахс:** Ёқубжон Абдужабборов, тел.: 97-490-05-76.  
E-mail: UKS-GOSKOMGEOLOGIA@exat.uz  
Танловда иштирок этиш учун талабнома шакли ва танлов ҳужжатлари бўйича маълумотлар танлов ҳужжатлари рўйхатида келтирилган.  
**Таклифларни топширишнинг сўнгги санаси ва вақти:** 2019 йил 20 апрель, соат 17.00.  
**Таклифларни тайёрлаш топшириш бўйича талаблар:**  
— танлов иштирокчиси фақат биттагина таклиф киритиши мумкин;  
— танлов таклифи буқланган жойлари елимланган ҳолда ёпиқ конвертда топширилиши лозим;  
— танлов таклифига кирган барча ҳужжат рус тилида топширилиши керак;  
— танлов таклифлари куйидаги манзилга топширилади: Тошкент шаҳри, Чилонзор тумани, Бунёдор шоҳқўчаси, 7-«А» уй.  
Танлов таклифларини қабул қилиш учун масъул шахс — Ёқубжон Абдужабборов, тел.: 97-490-05-76.

Танлов таклифларини очиб кўриш бўйича танлов комиссиясининг йиғилиши 2019 йил 20 апрель кўни бўлиб ўтади.

2019 16 — 18 апрель

Ташкилотчи: **ТНЕСА**

Ўзбекистоннинг етакчи **ТИББИЁТ КЎРГАЗМАСИГА** хуш келибсиз!

Ташкилотчи: **ТНЕСА**

Онлайн рўйхатдан **УТИНГ**

Дастлабки икки кун фақат соҳа мутахассислари таклиф этилади.

Тараддуд

Маҳалла раиси фидойи ва ташаббускор бўлиши керак

Маҳалла оксоқоли ташаббускор, элга қайишадиган инсон бўлса, бундан бутун жамиятга катта наф тегади, десак, айни ҳақиқат. Зеро, республикамиздаги мавжуд 9 мингдан зиёд фуқаролар йиғинлари раисларининг барчаси ана шундай фазилатларга эга бўлса, ҳудудлардаги муаммоларнинг аксарияти жойларнинг ўзида ҳал этилади.

Бу пировардида мамлакат тараққиётига қандай куч бағишлашни тасаввур қилиш қийин эмас.

Айни жихатдан жорий йил май ойида бўлиб ўтадиган фуқаролар йиғинлари раислари сайловининг аҳамияти катта. Мамлакатимизнинг барча ҳудудда бунга қизгин тайёргарлик кўрилламоқда.

Хусусан, Фарғона вилоятининг 19 та шаҳар ва туманида Фуқаролар йиғинлари раислари (оксоқоллари) сайловини ташкил этиш ва ўтказишга кўмаклашувчи комиссиялар ҳамда ишчи гуруҳлари тузилган бўлиб, улар томонидан аҳоли орасида бу гаги сайловнинг ўзига хос жиҳатлари ҳамда уни очик-

ошкора ва адолатли ўтказиш юзасидан кўрилган чора-тадбирлар кенг тушунтирилмоқда.

— Худудимиз бўйича 1034 та маҳалла фуқаролар йиғини раислигига сайлов ўтказилади, — дейди Фуқаролар йиғинлари раислари (оксоқоллари) сайловини ташкил этиш ва ўтказишга кўмаклашувчи вилоят комиссияси раиси, Олий Мажлис Сенати аъзоси Шарифжон Юлдашев. — 2 миллион 345 минг 529 нафар сайлов овозига етган аҳоли рўйхати шакллантирилди. Сайловлар ўтказилиши белгиланган объектлар овоз бериш кабинетлари ва кутубхона билан таъминланмоқда.

Шокир Саидов. — Сайловларда ҳаққонийликни таъминлаш, ўз маҳалласи, халқи учун жон куйдирадиган, уларнинг дардини ўз дардидек қабул қиладиган номзодлар сайлашни ташкил этиш ва ўтказишга кўмаклашувчи комиссияларнинг аҳли билан навбатдаги мулоқоти Фориш туманида кечди.

— Бундай тадбирлар давомида "Фуқаролар йиғини раиси (оксоқоли) сайлови тўғрисида"ги Қонуннинг мазмун-моҳиятини тушунтиришга алоҳида эътибор қаратилди, — дейди вилоят адлия бошқармаси бошлиғи, комиссия аъзоси

Бухоро вилояти маҳаллаларида тузилган ишчи гуруҳларининг самарали фаолият кўрсатиши учун қўлайликлар яратилиш чоралари кўриляпти.

— Вилоятимизда 540 та ишчи гуруҳи тузилган, — дейди Фуқаролар йиғинлари раислари (оксоқоллари) сайловини ташкил этиш ва ўтказишга кўмаклашувчи вилоят комиссияси котиби Акмал Қозоқов. — Яқинда улар учун семинар-тренинг ўтказилиб, "Ушбу жойда Сизнинг бўлиши мумкин эди!"

танлашда уларнинг нафақат олий маълумотга эгалиги ва тегишли ҳудудда доимий яшаётгани, балки ташкилотчилик қобилияти, тажрибасига катта эътибор қаратилди.

Айни пайтда вилоят бўйича 540 та маҳалла раислиги учун 1946 нафар номзод танланди. Улар турли касб-кор эгаларидир. Лекин сайловчилар учун бу муҳим эмас. Асосийси, бўлуши раис фаол, ташаббускор, эл-юрт қорига ярайдиган, одамлар ташвишини енгил қилиши дилига туккан, фидойи бўлсин.

Элброн ЭҲСОНОВ, Толибжон ЭРҲАШЕВ, Истам ИБРОҲИМОВ («Халқ сўзи»).

«Ҳар икки йилда ўтказиладиган бу фестивални энди орзиқиб кутамиз»

Халқаро бахшичилик санъати фестивалида дунёнинг кўплаб мамлакатлари қатори Хитой Халқ Республикасидан ҳам вакиллар иштирок этди. Қуйида уларнинг бетаҳрор халқаро маданий анжуман ҳақидаги фикр-мулоҳазалари билан танишасиз.

Чжоу МИНГЯНГ, «Цзинци Жибао» газетаси муҳбири:

— Халқаро бахшичилик санъати фестивали биз каби дунёнинг турли мамлакатлардан келган меҳмонлар, журналистлар ва санъат аҳли учун жуда ажойиб мулоқот майдони бўлди. Айниқса, фестиваль доирасида ташкил этилган «Жаҳон цивилизациясида бахшичилик санъатининг ўрни» мавзусидаги халқаро илмий-амалий конференцияда маданий меросни асраб-авайлаш ва уни кенг миқёсда тарғиб қилиш бўйича долзарб фикрлар билдирилди.

Анжуман юксак даражада, ўзига хос, миллийлик руҳида ташкил этилди. Шу жиҳатлар барчамизнинг чинакам ҳайратимизни оширди. Ҳар икки йилда ўтказиладиган бу фестивални энди орзиқиб кутамиз.

Менг СИАНГҲУО, Шэньси провинцияси маданият ва сайёҳлик департаменти бош директори ўринбосари:

— Энг аввало, Хитой маданий гуруҳи аъзолари номидан Халқаро бахшичилик санъати фестивалига тақдир қилгани учун Ўзбекистон томонига миннатдорлик билдиришни истар эдим. Биз серкўёш диёрга ташриф буюриб, фестивалнинг жуда ажойиб, юқори даражада ташкил этилганига, ўзбек халқининг нақадар меҳмондўст эканигига ғувоҳ бўлдик.

Ҳақиқатан ҳам, анжуманнинг очилиш маросими, унда ўзбек санъаткорлари томонидан намойиш этилган маданий дастур барчамизда унутилмас таассурот қолдирди. Санъат анжуманида хорижий ҳамкасбларимиз билан яхши дўстона алоқаларни ўрнатиш учун аажоиб имконият яратилганидан

мамнунимиз. Кўхна Термиз бетаҳрор халқаро маданий анжуман шаҳри сифатида ҳам хотирамизга муҳланди. Фурсатдан фойдаланиб, ўзбекистонлик санъаткорларни Хитойда бўлиб ўтадиган "Ипак йўли" халқаро санъат фестивалига тақдир этамиз. Бу анжуман ҳам Ўзбекистон ва Хитой ўртасидаги ўзаро маданий ҳамда сайёҳлик соҳаларидаги ҳамкорлик ривожига муносиб ҳисса қўшиши, шубҳасиз.

Шухрат УМИРОВ, «Дунё» АА муҳбири. Пекин



Ғамхўрлик

Спортсевар ёшларга Президент тўғрисида

Бухоро шаҳридаги "Семурғ" мажмуасида вилоятдаги ихтисослаштирилган болалар-ўсмирлар спорт мактабларига Президентимиз совғаси — умумий қиймати 3,6 миллиард сўмдан зиёд бўлган 310 турдаги спорт жиҳозлари ва анжомлари топширилди.

— Давлатимиз раҳбарининг ёшлар таълим-тарбияси учун яратилган шарт-шароитларни янада яхшилаш, уларнинг бўш вақтларини мазмунли ўтказиш, хотин-қизларни иш билан таъминлаш каби олижаноб мақсадларни қамраб олган бешта ташаббуси доирасида амалга оширилган бу эзгу иш кучимизга куч, ғайратимизга ғайрат қўшди, албатта, — дейди Когон туманидаги ихтисослаштирилган болалар-ўсмирлар спорт мактаби директори Нодир Жумаев. — Давлатимиз томонидан болалар спортини ривожлантиришга нақадар катта эътибор қаратилганини биз ўз фаолиятимиз мисолида кўриб, ҳис этиб турибмиз. Ўтган йили мактабимиз биноси 3,3 миллиард сўм маблағ эвазига реконструкция қилинди. Айни дамда эса Ўртбошимизнинг тўғрисида сифатида 420 миллион сўмлик спорт жиҳозларини қабул қилиб олдик.

Улар биз учун жуда қадри. Чунки бокс ринги, кураш

ҳамда бадиий гимнастиканинг халқаро стандартлар талабига мос гиламларига эҳтиб сезаётгандик. Бундай ғамхўрликларга тарбияланувчиларимиз ҳам муносиб жавоб беришга киришдилар. Жорий йилнинг дастлабки чорағида тўрт нафар шогирдимиз Ўзбекистон чемпиони бўлди. 17 нафари совриндорлар қаторидан ўрин олди. Уч нафари эса халқаро мусобақаларда қувонарли натижаларга эришди.

Совгаларни топширишга бағишлаб ўтказилган тантанали маросимда сўз олганлар Осиё, жаҳон миқёсидаги мусобақаларда юртимиз шаънини муносиб ҳимоя қиладиган спортчиларни тарбиялашда бу жиҳоз ва анжомлар жуда қўл келишини, билдирилган ишончини оқлаш йўлида тажриба ва маҳоратларини ишга солишларини таъкидладилар.

Ёш спортчиларнинг кўргазмали чиқишлари тадбирга ўзгача руҳ бағишлади. Истам ИБРОҲИМОВ («Халқ сўзи»).

Ҳиндистонлик машҳур дизайнернинг Ўзбекистонга бағишланган коллекцияси

Деҳли шаҳрида бўлиб ўтган "The Delhi Times Fashion Week — 2019" модальар ҳафталигида машҳур ҳинд дизайнери Риту Берининг Ўзбекистонга бағишланган махсус коллекцияси намойиш этилди. "Фарғона жозибаси" деб номланган ушбу либослар тўпламини яратилган Фарғонадан келтирилган хонатал, адрас каби газмалардан фойдаланилган.

харакат қилдик", дейди дизайнер, Ўзбекистоннинг Ҳиндистондаги маданият ва туризм элчиси Риту Бери.

"Ўзбек миллий газмаларининг ёрқин жиҳатларини ўзида акс эттирган бугунги тақдимот илтирозчиларда чўқур таассурот қолдирди. Бугун Ўзбекистоннинг улкан ва серқирра маданий салоҳиятини ўзим учун кашф қилдим", дея ўз таассуротлари билан ўртоқлашди машҳур ҳинд актрисаси Дивя Хосла Кумар.

Бу каби тадбирлар Ўзбекистоннинг маданий салоҳиятини кенг тарғиб этиш, икки дўст мамлакат ўртасидаги алоқаларни мустаҳкамлаш билан бирга, юртимизга келадиган Ҳиндистонлик сайёҳлар сонини кўпайтиришга ҳам хизмат қилди.

Ҳиндистонлик туризм блогери Каран Бхарава эътироф этганидек, "Эксклюзив коллекция намойишида қатнашган ҳар бир кишида Ўзбекистонга ташриф буюриш ва унинг маданий меросидан бевосита баҳраманд бўлиш иштиёқи пайдо бўлгани, шубҳасиз".

Нодирбек ИБДУЛЛАЕВ тайёрлади.

Тақдимот

Туризмни ривожлантириш давлат кўмитаси матбуот хизмати хабарига кўра, тақдимотда маданият ва санъат арбоблари, дипломатик коргус вакиллари, таълим моделлари ҳамда инновационер илтироз элди. "Мақсуд тақдимотга ўзгача

иштиёқ билан тайёргарлик кўрдик. Тақдим қилинган либосларда ўзбек ва ҳинд либосининг аниқлигини уйғунлаштирган ҳолда, мамлакатларимиз ўртасидаги тарихий дўстона алоқалар, маданий яқинлиқни акс эттиришга

РЕКЛАМА ВА ЭЪЛОНЛАР

POYTAХTBANK «ПОЙТАХТ БАНК» АЖ сервер ускуналари хариди бўйича танлов эълон қилади! Тақлифлар 2019 йилининг 20 апрелига қадар топширилуши лозим. Техник талабларни қуйидаги телефонлар орқали олишингиз мумкин: 71-214-20-20, 97-757-55-95. 100063, Тошкент шаҳри, Чилонзор тумани, Ислон Каримов шоҳқўчаси, 55-уй. E-mail: dit@poytaxtbank.uz



Хурматли тадбиркорлар! «АСАКА» БАНКИ бизнесингизни молиялаштириш ва ривожлантириш учун қуйидаги хорижий банкларнинг кредит линиялари маблағлари ҳисобидан кредитлар тақлиф этади:

- Коммерцбанк А.Г. (Германия);
• КФВ Ипекс банк (Германия);
• Ландесбанк А.Г. (Германия);
• Хитой Халқ Республикаси давлат тараққиёт банки;
• Халқаро тикланиш ва тараққиёт банки — «Ўзбекистон Республикасида боғдорчилик секторини ривожлантириш» лойиҳаси доирасида;
• Корея Республикаси Эксимбанки;
• Туркия Республикаси Эксимбанки;
• Халқаро тараққиёт агентлиги — «Ўзбекистон Республикасида чорвачилик соҳасини ривожлантириш» лойиҳаси доирасида.

Маълумот учун телефонлар: 78-120-82-01, 78-120-82-09, 78-120-82-24, 78-120-82-62, 78-120-82-96, 78-120-86-83.

«АСАКА» БАНКИ — тадбиркорлик тараққиётининг мустаҳкам таянчи! www.asakabank.uz

«АМКОДОР-ТАШКЕНТ» МЧЖ ХК «АМКОДОР», «САЛЕО», «АМКОДОР-СЕМАШ» холдингларининг Ўзбекистон Республикасидаги расмий дистрибьютори. Европа сифатидаги техника ва жиҳозлар Ўзбекистонда. Ғаллани тозалаш ва солилаш учун мажмуалар гидравлика. Махсулот сертификатланган. Тел./факс: 71-283-42-18, тел.: 71-283-42-17. Моб.: 90-974-00-61, 90-974-00-81.

Ушбу жойда Сизнинг рекламаниз бўлиши мумкин эди! «Халқ сўзи»даги Реклама — бизнесингизни қўлаб-қувватлайди! Манзил: Тошкент ш., Матбуотчилар к., 32-уй. Тел.: 71-232-10-63, 71-232-11-15. E-mail: reklamaxs@mail.ru, reklama@xs.uz

Халқ сўзи Народное слово Бош муҳаррир ўткир РАҲМАТОВ 2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 456. 59 932 усулда босилди, ҳажми — 2 табоқ, Обфет усулида босилган. Қозғо бичими А—2. Баҳоиси келишилган нарҳда. МУАССИСЛАР: Ўзбекистон Республикаси Олий Мажлиси Қонунийлик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазиirlар Маҳкамаси

ТАҲРИРАТГА КЕЛГАН ҚЎЛҲИЛАР ТАҚРИЗ ҚИЛИНАЙДИ ВА МУАЛЛИФГА ҚАЙТАРМАЙДИ. ГАЗЕТАНИНГ ЭТКАБИБ БЕРИЛИШИ УЧУН ОБУНАНИ РАСМИЙЛАШТИРИШ ТАШКИЛОТ ЖАВОБГАР. ГАЗЕТА ТАҲРИРАТ КОМПЬЮТЕР МАРКАЗИДА ТЕРМАН ҲАМДА ОПЕРАТОР А. ИСМАИЛОВ ТОМОНИДАН САҲФИЛАНДИ. ГАЗЕТАНИНГ ПОДАГРАФИК ЖАҲАТДА СИФАТ ЧОН ЭТАЛИШИГА "ШАРҚ" НАШИРЎТ-МАТБАА АКЦИЈАДОРЛИК КОМПАНИЈАСИ МАСЪУЛ. БОСМАХОНА ТЕЛЕФОНИ: 71-233-11-07. • МАНЗИЛИМИЗ: 100000, Тошкент шаҳри, Матбуотчилар кўчаси, 32-уй. Навбатчи муҳаррир — З. Худойшукуров. Навбатчи — Д. Улуғмуродов. Мусахҳаҳ — С. Исмолов. «ШАРҚ» НАШИРЎТ-МАТБАА АКЦИЈАДОРЛИК КОМПАНИЈАСИ БОСМАХОНАСИ. ҚОРХОНА МАНЗИЛИ: Буюк Турон кўчаси, 41. ҲАА якуни — 23.55 Топширилди — 02.30 1 2 3 4 5